

遼史卷七

元中書右丞相總裁托克托等修

本紀第七

穆宗下

十四年春正月戊寅朔奉安神蠶戊戌漢以宋將來襲馳告二月

壬子詔西南面招討使特烈

原作撻烈

進兵援漢癸亥如潢河戊辰支

解鹿人摩多哈里

原作沒咎海里

等七人於野封土識其地己巳如老林

東樂壬申漢以敗宋兵石州來告夏四月丁巳漢以擊退宋軍遣

使來謝是月黃龍府甘露降五月射舐麟鹿於白鷹山至於浹旬

六月丙午朔獵於玉山竟月忘返秋七月壬辰以酒脯祀黑山八

月乙巳如磴子嶺呼鹿射之獲鹿四賜虞人紐歡

原作女瓊

等物有差

丁未還宮戊申以生日值天赦不受賀曲赦京師囚乙卯錄囚九

月黃室韋叛冬十月丙午近侍烏爾古綽原作烏古者進石錯賜白金

二百五十兩丙辰以掌鹿舒蘇原作舒蘇代斡里爲扎薩克轄原作撒

賜金帶金盞銀二百兩所隸死罪以下得專之十一月壬午日南

至宴飲達旦自是晝寢夜飲殺近侍轄魯原作小六於禁中十二月丙

午以黑兔祭神烏爾古原作烏古叛掠民財畜詳袞原作詳穩僧隱與戰敗

績僧隱及伊實原作乙實等死之

十五年春正月己卯以樞密使伊勒布原作里斯雅爲行軍都統虎軍

詳袞原作詳穩齊蘇原作楚思爲行軍都監益以圖嚕卜原作呂不部軍三百

合諸部兵討之烏爾古原作烏古額爾奇木原作夷子博勒岱原作勒底

獨不叛詔褒之是月老人星見二月壬寅朔日有食之上東幸甲

寅以獲鴨除鷹坊刺面腰斬之刑復其徭役是月烏爾古原作烏古殺

其長蘇爾台原作離底餘衆降復叛三月癸酉近侍棟爾原作東兒進亡

筋不時手刃刺之丁丑大黃室韋酋長伊聶濟原作寅叛癸未五

坊人四十戶叛入烏爾古原作烏占癸巳虞人色勒迪原作沙偵鵝失

期加炮烙鐵梳之刑而死夏四月乙巳小黃室韋叛伊勒希原作雅里

斯齊蘇原作楚思等擊之為室韋所敗遣使詰之乙卯以托里原作禿里代

伊勒希原作里斯為都統以農古原作女古為監軍率輕騎進討仍令塔

瑪原作撻馬錫濟爾原作吉里持詔招諭五月壬申錫濟爾原作吉里奏諭

之不從伊勒希原作里斯以達林原作撻凜蘇二羣牧兵追至柴河與戰

不利甲申庫克齊原作古只奏室韋長伊聶濟原作尼吉亡入德喀

敵原作六月辛亥伊楞古原作魯古獻良馬賜銀二千兩以近侍呼喇

忽刺原作比馬至先以聞賜銀千兩是月德喀原作敵烈來降秋七月甲戌

伊勒希原作里斯奏烏爾古原作烏占至河德樂遣額爾奇木原作離革華

喇原作畫里伊勒希巴原作離畢察實原作常思擊之丁丑烏爾古原作烏占掠上

京北榆林峪居民遣林牙蕭幹原作討之庚辰伊勒希原作雅里斯等

與烏爾古原作戰不利冬十月丁未察實原作常思與烏爾古原作戰

敗之十二月甲辰以近侍喜格原作喜哥私歸殺其妻丁未殺近侍蘇

嚕克原作隨魯駐蹕黑山平淀

十六年春正月丁卯朔被酒不受賀甲申微行市中賜酒家銀絹

乙酉殺近侍白海及家僕善福原作衫福雅爾噶原作刺葛樞密使門吏

隆科原作老古塔瑪原作撻馬舒嚕原作失魯三月己巳東幸庚午獲鴨甲申獲

鵝皆飲達旦五月甲申以歲旱泛舟於池禱雨不雨捨舟立水中

而禱俄頃乃雨六月丙申以白海死非其罪賜其家銀絹秋七月

壬午諭有司凡行幸之所必高立標識令民勿犯違以死論八月

丁酉漢遣使貢金器鎧甲閏月乙丑觀野鹿入馴鹿羣立馬飲至

晡九月庚子以重九宴飲夜以繼日至于壬子乃罷己未殺狼人紐

幹哩

原作裏里

冬十月庚辰漢主有母喪遣使賻弔十二月甲子幸酒

人伯勒格

原作刺哥

家復幸殿前都點檢耶律伊勒哈

原作夷

第宴

飲連日賜金盃細錦及孕馬百匹左右授官者甚衆戊辰漢遣使

來貢是冬駐蹕黑山平淀

十七年春正月庚寅朔林牙蕭幹郎君耶律賢適討烏爾古

原作烏占

還帝執其手賜卮酒授賢適右皮室詳袞

原作詳穩

伊勒希巴

原作里斯

齊

蘇

原作楚思

轄哩

三人賜醕酒以辱之乙卯伊勒希巴

原作離畢

古

雲

原作骨欲

獻烏爾古

原作烏古

俘二月甲子高勲奏宋將城益津關請以

偏師擾之上從之夏四月戊辰殺鷹人達魯

原作蔽魯

丙子射柳祈雨

復以水沃羣臣五月辛卯殺鹿人扎喀

原作扎葛

壬辰北府宰相蕭哈

里

原作海黎

薨輟朝罷重五宴六月己未支解雉人壽格

原作壽哥

寧古

原作

古念殺鹿人四十四人是夏駐蹕裏潭秋八月辛酉生日以政事令

安已達

原作阿不底

病亟不受賀九月白丙戌朔獵於黑山赤山至於

月終冬十月乙丑殺酒人索紐

原作粹徐

十一月辛卯殺近侍廷壽王

辰殺豕人阿不禮赫嚕

原作易魯

珠嚕準

原作木里者

訥喀庫

原作混里括

庚子

司天臺奏月當食不虧上以為祥歡飲達旦壬寅殺鹿人唐古

原作

唐直格

原作直哥

薩喇

原作撒刺

十二月辛未手殺養人哈里

原作海里

復嚕之

是冬駐蹕黑河平淀

十八年春正月乙酉朔宴於宮中不受賀己亥觀燈於市以銀百

兩市酒命羣臣亦市酒縱飲三夕二月乙卯幸五坊使錫沙哩

原作

震實

家宴飲達旦三月甲申朔如潢河乙酉獲駕鵝祭天地造大

酒器刻為鹿文名曰鹿甌貯酒以祭天庚戌殺鵝人呼圖哩

原作胡特

魯近侍華格

原作化葛

及監囚哈里

原作海里

仍判哈里

原作海里

之尸夏四月

原作

癸丑殺姦人察爾吉

原作里只抄

己巳詔左右從班有材器幹局者不

次擢用老耄者增俸以休於家五月丁亥重五以被酒不受賀王

辰獲鵝於碩格原作述古水野飲終夜丁酉與政事令蕭巴雅爾原作排押

南京留守高勲太師珠克原作昭古劉承訓等酣飲連日夜已亥殺鹿

人頗德埒克原作臘哥陶罕原作陶瑰扎卜庫原作扎不哥舒古寧原作古涅察布

原作雞保默克特原作古特達勒達原作敏答等六月丙辰殺斃人托諾原作屯奴

已未為殿前都點檢伊勒哈原作臘葛置神帳曲赦京畿囚甲戌特

烈原作撻烈於鵬窠中得牝犬來進是夏清暑裏潭秋七月辛丑漢主

承鈞殂子繼元立來告遣使弔祭九月戊子殺詳袞原作詳穩巴蘭原作

刺伊喇原作拽刺罕都原作痕篤等四人己丑登山祭天地戊戌知宋欲

襲河東諭西南面都統南院大王特烈原作撻烈豫為之備己亥獵熊

以喚鹿人布庫原作鋪姑并掖庭戶賜伊勒哈原作臘葛甲辰以伊勒哈

原作臘葛兼政事令仍以黑山東穆辰原作抹真之地數十里賜之以紐

歡

原作女壤

爲近侍女直詳袞

原作詳穩

嘉們

原作憂陌

爲本部額爾奇木

原作夷离

董

是秋獵於西京諸山冬十月辛亥朔宋圍太原詔特烈原作撻烈爲

兵馬總管發諸道兵救之十一月癸卯冬至被酒不受賀十二月

丁丑殺酒人塔喇噶

原作烈葛搭

是冬駐蹕黑山東川

十九年春正月己卯朔宴宮中不受賀己丑立春被酒命殿前都

點檢伊勒哈

原作臘葛夷

代行擊土牛禮甲午與羣臣爲葉格戲戊戌

醉中驟加左右官乙巳詔太尉華格

原作化哥

曰朕醉中處事有乖無

得曲從酒解可覆奏自立春飲至月終不聽政三月甲寅漢劉繼

元嗣立遣使乞封冊辛酉遣韓知範冊爲皇帝癸亥殺前導穆濟

伊喇

原作及益刺未

到其屍棄之甲子漢遣使進白鹿己巳如懷州獵獲

熊歡飲方醉馳還行宮是夜近侍霄格

原作小哥

盥人花哥庖人錫袞

原作辛占

等六人反帝遇弑年三十九廟號穆宗後附葬懷陵重熙二

十一年諡曰孝安敬正皇帝

贊曰穆宗在位十八年知女巫妖妄見誅諭臣下濫刑切諫非不明也而荒耽於酒畋獵無厭偵鵠失期加炮烙鐵梳之刑獲鴨甚歡除鷹坊刺面之令賞罰無章朝政不視而嗜殺不已變起肘腋宜哉

遼史卷七

遼史卷七考證 穆宗紀下

應歷十四年十月以掌鹿舒蘇代斡里爲扎薩克轄 按舒蘇原

作矧思卷八景宗保寧六年矧思使宋另一人 又按卷二十

興宗重熙南剋卷六十五公主表尙聖宗女三人同名斡里

十五年二月朔日有食之 按契丹國志載日當食不虧宋史天

文志同

三月大黃室韋酋長伊聶濟叛五月伊聶濟亡入德噶 按伊聶

濟原作寅尼吉卷六十九部族表作寅底吉係一人

四月以托里代伊勒希爲都統 按托里原作禿里卷六十一刑

法志應歷十二年伊喇禿里另一人

七月烏爾古至河德樂遣察實擊之十月察實戰敗之 按察實

原作常思卷六十九部族表訛作常恩係一人

林牙蕭幹討烏爾古

按幹原作幹卷八十四有傳亦作幹紀傳

幹幹互見今俱改幹又卷十八興宗重熙六年使宋卷二十九天祚保大元年太師卷九十四耶律納延傳納延父耶律世良傳小字五人同名幹

十六年九月殺狼人紐幹里

按紐幹里原作裏里卷十八興宗

重熙六年知南面行宮副部署卷二十二道宗清寧九年宿衛官卷九十四耶律華格傳開泰時都監四人同名裏里

十二月幸殿前都點檢伊勒哈第

按伊勒哈原作夷臘葛考卷

七十八傳稱穆宗被弑坐守衛不嚴被誅卷八保寧元年以殿前都點檢夷臘宿衛不嚴斬之卷四十八百官志見殿前都點

檢夷刺葛是夷臘葛夷臘夷刺葛的係一人

十七年正月古雲獻烏爾古俘

按古雲原作骨欲卷十七聖宗

太平八年罪人卷四十七百官志興宗重熙七年勾當禮信司
三人同名骨欲

六月 按契丹國志及宋史朔日食史失載

十八年五月政事令蕭巴雅爾 按巴雅爾原作排押卷八十八
統和初左皮室詳袞幽王排押另一人

太師珠克 按珠克原作昭古卷十七太平九年昭古使宋另一
人

殺鹿人頗德 按卷十聖宗統和元年北府司徒又二年南京統
軍使卷十一統和四年郎君卷二十四道宗太康六年南院大
王後累遷北院樞密使卷七十三傳太祖時採訪使六人同名
頗德

七月漢主承鈞殂子繼元立 按宋史北漢世家劉鈞卒繼恩立

繼恩弑繼元立而遼史不書繼恩者蓋劉崇在時凡事稟命於遼歲使不絕鈞立禮文多畧遼主遺書責以三罪自是契丹使不來而漢使往輒見留至繼元復結契丹爲援而告已之立遼始遣使弔祭據事直書以致遺漏繼恩耳

殺伊喇罕都 按罕都原作痕篤卷七十四傳太祖時北府宰相痕篤另一人

十月宋圍太原 按契丹國志九月宋師入北漢境北漢上表於遼求援又遣將領軍扼團栢谷爲宋將李繼勲何繼筠所擊破大掠晉絳二州之境所載較詳

十九年正月詔太尉華格 按華格原作化哥卷六十一刑法志作化葛係一人

二月遣韓知範 按五代史作韓知璠

庖人錫裘
係一人

按錫裘原作辛古卷七十八蕭思溫傳庖人斯奴古

